



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za lokalni biznis i turizam

Broj: 04-GV-04-239-2/23
Datum, 08.02.2023. godine

Odbor za lokalni biznis i turizam Gradskog vijeća Grada Sarajeva, na 17. sjednici održanoj 08.02.2023. godine, u funkciji pripreme 24. sjednice Gradskog Vijeća Grada Sarajeva, razmatrao je:

2. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 20.

Vijećnička pitanja i inicijative

1. Poslije rasprave i sažetka predsjedavajućeg, Odbor za lokalni biznis i turizam jednoglasno je usvojio sljedeću **inicijativu**:

Odbor upućuje inicijativu da Grad Sarajevo razmotri mogućnost da se obnove „Sarajevske ruže“ jer su u lošem stanju, a na određenim mjestima su uklonjene pri rekonstrukciji gradskog partera. Također potrebno je da se osmisli projekt kojim će se omogućiti da se putem QR koda, koji bi bio postavljen uz svaku „Sarajevsku ružu“, pristupi podacima o činjenicama vezanim za nastajanje te ruže koji će sadržavati i registar Sarajevskih ruža u GIS-u.

Odbor traži od Gradskog vijeća da podrži ovu inicijativu kako bi postala inicijativa Gradskog vijeća.

PREDSJEDAVAJUĆI ODBORA
Nermin Džino, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za lokalni biznis i turizam

Broj: 04-GV-04-239-2.1/23
Datum, 08.02.2023. godine

Odbor za lokalni biznis i turizam Gradskog vijeća Grada Sarajeva, na 17. sjednici održanoj 08.02.2023. godine, u funkciji pripreme 24. sjednice Gradskog Vijeća Grada Sarajeva, razmatrao je:

2. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 20.

Vijećnička pitanja i inicijative

1. Poslije rasprave i sažetka predsjedavajućeg, Odbor za lokalni biznis i turizam jednoglasno je usvojio sljedeću **inicijativu**:

Odbor upućuje inicijativu da Grad Sarajevo, u suradnji sa nadležnim organima, poduzme potrebne mjere i aktivnosti da se na odgovarajući način uredi i označi parkiralište na Trebeviću uz hotel Pino Natur, kao i šetalište koje vodi prema žičari, budući da je trenutno stanje vrlo loše. Ovo je potrebno uraditi radi poboljšanja kvalitete života naših sugrađana, ali jednako i sa ciljem obogaćivanja turističke ponude Grada Sarajeva.

PREDSJEDAVAJUĆI ODBORA
Nermin Džino, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za lokalni biznis i turizam

Broj: 04-GV-04-239-2.2/23
Datum, 08.02.2023. godine

Odbor za lokalni biznis i turizam Gradskog vijeća Grada Sarajeva, na 17. sjednici održanoj 08.02.2023. godine, u funkciji pripreme 24. sjednice Gradskog Vijeća Grada Sarajeva, razmatrao je:

2. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 20.

Vijećnička pitanja i inicijative

1. Poslije rasprave i sažetka predsjedavajućeg, Odbor za lokalni biznis i turizam jednoglasno je usvojio sljedeću **inicijativu**:

Odbor upućuje inicijativu Gradu Sarajevu da pokrene inicijativu prema nadležnim organima da se na odgovarajući način pokuša eliminirati trošak koji poslodavci imaju plaćajući naknade poslovnim bankama pri transakcijama koje se odnose na plaćanje obaveza iz poreza i doprinosa, te drugih obaveznih naknada, možda tako da se ugovori vršenje ovih transakcija kod banaka bez naknade ili na drugi odgovarajući način.

PREDSJEDAVAJUĆI ODBORA
Nermin Džino, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za javne službe, infrastrukturu i javni saobraćaj

Broj: 04-GV-04-239-2/23
Datum, 09.02.2023. godine

Odbor za javne službe, infrastrukturu i javni saobraćaj Gradskog vijeća Grada Sarajeva, na 22. sjednici održanoj 09.02.2023. godine, u funkciji pripreme 24. sjednice Gradskog Vijeća Grada Sarajeva, razmatrao je:

2. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 20.

Vijećnička pitanja i inicijative

Poslije rasprave i sažetka predsjedavajućeg, Odbor za javne službe, infrastrukturu i javni saobraćaj jednoglasno je usvojio sljedeću **inicijativu**:

Upućuje se inicijativa Gradskom vijeću da svojim zaključkom zaduži Gradonačelnicu da u komunikaciji sa nadležnim ministarstvom u Kantonu Sarajevo iznese problematiku vezanu za vizuelnu komunikaciju na stajalištima javnog prijevoza, a posebno na nedostatak vozničkih redova, te insistira da se što je moguće prije, poduzme sve potrebno da se izneseni problemi riješe.

PREDSJEDAVAJUĆI ODBORA
Ratko Orozović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Komisija za međunarodnu suradnju

Broj: 04-GV-04-231-3/23
Sarajevo, 07.02.2023. godine

Komisija za međunarodnu suradnju Gradskog vijeća Grada Sarajeva, na 36. sjednici održanoj 07.02.2023. godine, u funkciji pripreme 24. sjednice Gradskog vijeća Grada Sarajeva, razmatrala je:

3. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 20.

Vijećnička pitanja i inicijative

Komisija za međunarodnu suradnju upućuje inicijativu Gradskom vijeću da predloži gradskim vijećnicima da se odreknu dijela paušala s ciljem prikupljanja pomoći unesrećenima u gradovima Turske, Sirije i Libanona.

PREDSJEDAVAJUĆI KOMISIJE

Alem Logo, s.r.

Adresa: Hamdije Kreševljakovića 3
71000 Sarajevo, BIH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za budžet i finansije

Broj: 04-GV-04-237-4/23
Sarajevo, 08.02.2023. godine

Odbor za budžet i finansije Gradskog vijeća Grada Sarajeva, na 27. sjednici održanoj 08.02.2023. godine, u funkciji pripreme 24. sjednice Gradskog vijeća Grada Sarajeva, razmatrao je:

3. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 20.

Vijećnička pitanja i inicijative

Poslije diskusije i sažetka Predsjedavajućeg, Odbor za budžet i finansije je jednoglasno usvojio sljedeći **zaključak**:

Odbor za budžet i finansije upućuje inicijativu Gradskom vijeću da svojim zaključkom zaduži Gradonačelnicu da dostavi Gradskom vijeću izvještaj o realizaciji plana nabavki Grada Sarajeva za 2022. godinu sa pojedinačnim stavkama.

PREDSJEDAVALJUĆI ODBORA

Namir Čomaga, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



JASMIN SKORUPAN, gradski vijećnik

Bosna i Hercegovina - Federacija Bosna i Hercegovina
Kanton Sarajevo - GRAD SARAJEVO
GRADSKO VIJEĆE

Broj predmeta	14 FEB 2023
Broj predmeta	
Broj predmeta	
01-GJ-02-282/23	

GRAD SARAJEVO
GRADSKO VIJEĆE
PREDSJEDAVAJUĆI GRADSKOG VIJEĆA

Predmet: Inicijativa za organizirano uklanjanje satelitskih antena sa zgrada na području Grada Sarajeva

U skladu s članom 19. Poslovnika Gradskog vijeća, podnosim sljedeću **inicijativu**.

Potrebno je da Grad Sarajevo u saradnji s nadležnim organima Kantona Sarajevo i gradskih općina te zainteresiranim građanima, pokrene akciju uklanjanja satelitskih antena sa stambanih i drugih zgrada na području Grada Sarajeva.

Obrazloženje

Na krovovima i fasadama na području Grada Sarajeva je veliki broj satelitskih antena koje se više ne koriste, te vizualno opterećuju fasade i krovovišta, a predstavljaju opasnost u slučaju odvajanja i pada zbog neodržavanja i dotrajalosti.

Za pretpostaviti je da postoji interes i vlasnika zgrada i subjekata u okviru Kantona Sarajevo nadležnih za prikupljanje i upravljanje metalnim otpadom da se, uz upućivanje javnog poziva zainteresiranim vlasnicima zgrada za uklanjanje antena bez naknade, ovaj problem u kontinuitetu rješava.

U Sarajevu, 13.02.2022. godine

PRIMLJENO: 14 FEB 2023			
Org. jed.	Broj	Prilog	Vijećnik
01-GV-02	283	/	23

JASMIN SKORUPAN, gradski vijećnik

GRADSKO VIJEĆE
PREDSJEDAVAJUĆI GRADSKOG VIJEĆA

Predmet: Inicijativa za pokretanje procesa traženja neuknjiženih nekretnina u vlasništvu Grada Sarajeva

U skladu s članom 19. Poslovnika Gradskog vijeća, podnosim sljedeću inicijativu.

Potrebno je da Pravobranilaštvo Grada Sarajeva, u kontekstu izrade registra imovine Grada Sarajeva, istraži eventualno postojanje nekretnina u vlasništvu Grada Sarajeva koje nisu uknjižene i poduzme sve potrebno da se takva imovina, ako se evidentira i uknjiži kao vlasništvo Grada Sarajeva.

U Sarajevu, 13.02.2022. godine

JASMIN SKORUPAN, gradski vijećnik

GRAD SARAJEVO
GRADSKO VIJEĆE
PREDSJEDAVAJUĆI GRADSKOG
VIJEĆA

Bosna i Hercegovina - Federacija Bosna i Hercegovina
Kanton Sarajevo - GRAD SARAJEVO
GRADSKO VIJEĆE

PRIMLJENO: 14 FEB 2023			
Org. jed.	Ime	Prilog	Vrijednost
01-GV-02	287/23		

Predmet: Inicijativa za organizaciju parkirališta uz ulicu u naselju Šip

U skladu s članom 19. Poslovnika Gradskog vijeća, podnosim sljedeću inicijativu.

Potrebno je da Grad Sarajevo zatraži od nadležnog ministarstva Kantona Sarajevo da se izmijeni režim odvijanja saobraćaja u ulici Branilaca Šipa od broja 31 do broja 43 do Osnovne škole „Šip“ tako da se dozvoli parkiranje u jednoj kolovoznoj traci.



Obrazloženje

Stanovnici naselja nemaju dovoljno prostora za parkiranje vozila u naselje i sada se parkiraju uz kolovoz u ovoj ulici, čime krše važeće propisa. Izmjenom režima odvijanja saobraćaja bi se dobio novi prostor za parkiranje i time poboljšao kvalitet života u naselju.

U Sarajevu, 13.02.2022. godine

PRIMLJENO: 27 FEB 2023	
Org. jekt. Broj	Uredništvo
01-GV-02-305/23	

Broj: 1/23
Datum: 22.02.2023.god.

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Gradsko vijeće Grada Sarajeva
n/r predsjedavajući, Jasmin Ademović

PREDMET: VIJEĆNIČKO PITANJE

Molim da mi nadležne službe Kantona Sarajevo, JU Fond memorijala KS, dostave informaciju o zaštiti i planu obnove autentičnog spomenika „Sarajevskih ruža“ u sve četiri sarajevske općine: Stari Grad, Centar, Novo Sarajevo i Novi Grad, obzirom da se radi o otvorenom prostoru izloženom svim vremenskim uslovima ?

Samo u ulici Senada Mandića Dende, Novi Grad na broju 2,4,6. itd. nalazi se 10_ tak koje nisu obojene, a već u sljedećoj ulici presvučenoj novim asfaltom nema ni jedne.

Sarajevska ruža, crvena boja u kraterima granata, simbol za sve žrtve i vječni podsjetnik na stradanja, ubijanja djece i civila ne smije biti prepuštena zubu vremena.

Da se zna, i ne zaboravi!

S poštovanjem,

Gradska vijećnica Grada Sarajeva

Enisa Spahić, s.r.

PRIMLJENO: 27 FEB 2023			
Org. jed.	Prig	Prilog	Vijećarbot
01-dj-02-306/23			

Broj: 2/23
Datum: 22.02.2023.god.

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Gradsko vijeće Grada Sarajeva
n/r predsjedavajući, Jasmin Ademović

PREDMET: VIJEĆNIČKA INICIJATIVA

Poštovani,
molim da se razmotri mogućnost da Ministarstvo komunalne privrede i infrastrukture Kantona Sarajevo **dostavi Informaciju o stanju i budućim aktivnostima u okviru Regionalnog centra za upravljanje otpadom Smiljevići** Općina Novi Grad Sarajevo.
Kao što je poznato, deponija komunalnog otpada u okviru sadašnjeg RCUO,, Smiljevići“, postoji od 1962.godine.
Pitanje konzerviranja deponije i pronalaska nove lokacije u nadležnosti Vlade Kantona Sarajevo i ostalih nadležnih ministarstava.
Sistem za sakupljanje plina trenutno nije u funkciji, znači nemamo otplinjavanje i spaljivanje plina.Prečistač procjednih voda nije u funkciji od 2011.godine, sve otpadne vode ispuštaju se u Lepenički potok bez prethodnog tretman, koje su prema nalazima ovlaštene laboratorije toksičnog sastava i imaju negativan uticaj na kvalitet vode i biodiverzitet rijeke Bosne, a potom na sliv rijeke Save. Drobilica građevinskog materijala nije stavljena u funkciji itd.

Ukoliko se zadrži odlaganje od oko 500 t/dan deponija se može koristiti još 3-5 godine. Za zatvaranje plohe komunalnog otpada potreban je period od najmanje 5 godina, a za pripremu nove sanitarne deponija potrebno je isto toliko vremena, znači 5 godina.
Prekoračenje opterećenja deponije izazvala bi geološku nestabilnost, pokretanje tla i ekološku katastrofu kao i dugogodišnju opasnost za sigurnost i zdravlje građana.

Gradski vijećnici trebaju biti informisani o ovoj problematici te kroz diskusiju, prijedloge i sugestije daju svoj doprinos u rješavanju ovog problema.

S poštovanjem,

Gradska vijećnica Grada Sarajeva

Enisa Spahić, s.r.

Jasmin Ademović, gradski vijećnik

**GRAD SARAJEVO
GRADSKO VIJEĆE
Predsjedavajući Gradskog vijeća**

Predmet: Inicijativa za izradu i predlaganje Plana aktivnosti za donošenje gradskih propisa

Upućujem inicijativu Gradskom vijeću da donese sljedeći zaključak:

- Zadužuje se Gradonačelnica da pripremi, izradi i predloži Plan aktivnosti za donošenje gradskih propisa do kraja mandatnog perioda na koji je izabran trenutni saziv Gradskog vijeća, a koji će sadržavati eventualno preispitivanje važećih propisa Grada Sarajeva odnosno donošenje novih u okviru vlastite nadležnosti Grada Sarajeva i prenesenih nadležnosti, a imajući u vidu i nadležnosti iz Statuta Grada Sarajeva („Službene novine Kantona Sarajevo“, broj 7/23).

Obrazloženje

Plan aktivnosti za donošenje gradskih propisa do kraja mandatnog perioda na koji je izabran trenutni saziv Gradskog vijeća Grada Sarajeva je neophodan imajući u vidu pravo i obavezu Grada Sarajeva da u funkciji jedinice lokalne samouprave, te glavnog grada, prije svega, prati stanje u oblastima iz svoje nadležnosti, poduzima mjere za poboljšanje stanja i to najbitnije, donošenjem gradskih propisa kojima se uređuju odnosi i stvara odgovarajuće okruženje za životne i radne aktivnosti građana Sarajeva i svih koje Sarajevo sa svojim sadržajima grada i glavnog grada privlači. Radi se o propisima iz vlastite, ali i prenesene nadležnosti koje je potrebno donijeti, odnosno preispitati postojeće propise. U protekle dvije godine Gradsko vijeće nije donijelo sve propise koji su bili programirani. Od početka mandata se planira donošenje Odluke o korištenju i održavanju uređenih vodotoka na području Grada Sarajeva. Gradskom vijeću je upućena inicijativa za preispitivanje Oduke o kućnom redu u stambenim zgradama na području Grada Sarajeva i sl. Poseban povod izradi ovakvog plana, što je moguće prije, je i stupanje na snagu novog Statuta Grada Sarajeva.

U Sarajevu, 21.02.2023. godine

Jasmin Ademović, s.r.

Jasmin Ademović, gradski vijećnik

**GRAD SARAJEVO
GRADSKO VIJEĆE
Predsjedavajući Gradskog vijeća**

Predmet: Inicijativa za podnešenje Izvještaja o realizaciji zaključaka Gradskog vijeća

Upućujem inicijativu Gradskom vijeću da donese sljedeći zaključak:

- Zadužuje se Gradonačelnica, Pravobranilaštvo Grada Sarajeva, odnosno odgovarajući organi subjekata kojima je Grad Sarajevo osnivač, da pripreme i podnesu Izvještaj o realizaciji zaključaka Gradskog vijeća od početka mandata trenutnog saziva Gradskog vijeća (24.03.2021. godine) do dana usvajanja ove inicijative.

Obrazloženje

Izvještaj o realizaciji zaključaka Gradskog vijeća je potreban u svrhu analize do sada realiziranih zaključaka Gradskog vijeća, odnosno planiranja realizacije zaključaka Gradskog vijeća koji do sada nisu izvršeni. Ujedno, trenutni saziv Gradskog vijeća je na polovici mandatnog perioda, te je cilj odrediti se o tome na koje zaključke Gradskog vijeća se potrebno usredotočiti, a kako bi isti bili realizirani do kraja mandatnog perioda.

U Sarajevu, 21.02.2023. godine

Jasmin Ademović, s.r.



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti:

- gradonačelnica Benjamina Karić i nadležna gradska služba
 - JP „SARAJEVO“ d.o.o. Sarajevo
 - JP „Olimpijski bazen Otoka“, d.o.o. Sarajevo

PREDMET: VIJEĆNIČKA INICIJATIVA

Poštovani_e, na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, a na osnovu komunikacije sa predstavnicima Zavoda za transfuzijsku medicinu Federacije Bosne i Hercegovine, **gradonačelnici, nadležnoj službi i gradskim javnim preduzećima** upućujem vijećničku inicijativu za

- **obezbjedivanje besplatnih karata za Sarajevsku žičaru za višestruke dobrovoljne darivatelje krvi;**
- **obezbjedivanje besplatnog korištenja Olimpijskog bazena za višestruke dobrovoljne darivatelje krvi.**

OBRAZLOŽENJE

Darivanje krvi je jedna od najkorisnijih i najodgovornijih aktivnosti koju može upražnjavati gotovo svaki čovjek. Zavodi koji se bave transfuziologijom često se nađu u problemima zbog nestašice krvi. Iako naše društvo slavi darivatelje, smatram da bi trebalo dodatno raditi na vrednovanju i prepoznavanju ovog vida solidarnosti i humanosti. Ono što naša gradska javna preduzeća mogu uraditi jeste da daju određene benefite višestrukim darivateljima, a na osnovu liste koju će Zavod naknadno dostaviti.

Adi Škaljić
vijećnik Kluba Naše stranke

Sarajevo, 21.2.2023.



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti: gradonačelnica Benjamina Karić i nadležna gradska služba

PREDMET: VIJEĆNIČKA INICIJATIVA

Poštovani_e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, a na osnovu komunikacije sa udruženjima „Prijatelji životinja“ i „Indy šapice“, upućujem vijećničku inicijativu za **nabavku i postavljanje hranilica i kućica za ulične životinje na javnim površinama.**

OBRAZLOŽENJE

Prema istraživanju Sveučilišta u Kaliforniji, *"stavljanje hranilica i kućica za životinje može značajno pomoći u smanjenju broja napuštenih životinja i poboljšanju njihovih životnih uvjeta."* (Izvor: Sveučilište u Kaliforniji, "Istraživanje o hranilicama i kućicama za životinje", 2020).

Zato predlažemo da se na javnim površinama postave hranilice i kućice za ulične životinje, koje će ih zaštititi od vremenskih nepogoda i pružiti im sigurno sklonište.

Države poput Sjedinjenih Američkih Država i Južne Koreje uspješno su implementirali ovakve programe, što je dovelo do smanjenja broja napuštenih i gladnih životinja. Prema podacima iz Južne Koreje, broj napuštenih životinja smanjen je za 42% nakon izgradnje hranilica i kućica. Vjerujemo da će ovaj program donijeti brojne benefite ne samo životinjama, već i lokalnoj zajednici. Implementacija ovakvih programa u drugim zemljama dokazano je da imaju pozitivan utjecaj na zdravstveno stanje i dobrobit životinja, te bi trebali biti implementirani i u našoj zajednici. Na taj način osigurat će da životinje dobivaju redovitu hranu i vodu, a također će im pružiti zaštitu od vremenskih utjecaja i nasilja. Ove mjere također pomažu smanjiti kretanje životinja po gradu i smanjuju rizik od ozljeda ili sudara s automobilima. Prema istraživanju objavljenom u časopisu "The Journal of Applied Animal Welfare Science", ulične životinje koje imaju pristup sigurnom skloništu i hrani su značajno manje izložene bolestima i napadima od strane drugih životinja. Također, postavljanje hranilica i kućica može pomoći u kontroli populacije uličnih životinja, što je ključno za njihovo zdravlje i dobrobit, kao i za javno zdravlje i sigurnost građana.

Sve u svemu, ovaj program će biti važan korak prema zaštiti i očuvanju uličnih životinja. Vjerujem da će ovaj program donijeti dugoročne benefite ne samo za životinje, već i za lokalno stanovništvo i okoliš.

Adi Škaljić
vijećnik Kluba Naše stranke

Sarajevo, 20.2.2023.



Adi Škaljić, vijećnik

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti: gradonačelnica Benjamina Karić i nadležna gradska služba

PREDMET: VIJEĆNIČKA INICIJATIVA

Poštovani_e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative **upućujem vijećničku inicijativu za donaciju zastave Grada Sarajeva i zastave sa logom Sarajevske pahuljice dimenzija 200mm x 100mm za MZ Olimpijsko selo.**

OBRAZLOŽENJE

Olimpijsko selo je mjesna zajednica u sklopu Općine Novi Grad Sarajevo. Svojim nazivom i infrastrukturnim simbolima podsjeća na vrijeme kada je bilo dom sportista_kinja iz cijelog svijeta. Na centralnom trgu postoji šest jarbola za zastave. Usljed izloženosti vremenskim pojavama, neke od njih su u jako lošem stanju. Savjet mjesne zajednice raspolaže adekvatnim zastavama Bosne i Hercegovine, Kantona Sarajevo, Općine Novi Grad Sarajevo i Grada Barcelone.

17. marta obilježava se Dan ove mjesne zajednice, pa vas molim da ispitajte mogućnosti nabavke i donacije zastava Grada Sarajeva i Sarajevske pahuljice, kako bi se izgled trga upotpunio i simbolički nastavio da sjeća na najvažniji sportski događaj koji je Grad Sarajevo ugostio.

Adi Škaljić
vijećnik Kluba Naše stranke

Sarajevo, 21.3.2023.